

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



PRESS RELEASE

যুক্তরাষ্ট্রের ঘূর্ণিঝড় ত্রাণ তৎপরতা: অপারেশন সি এঙ্গেল-২

ঢাকা, ঢাকা ডিসেম্বর -- সাইক্লোন সিডের প্রেক্ষিতে বাংলাদেশকে সহায়তা করতে যুক্তরাষ্ট্রের ত্রাণ তৎপরতাকে “অপারেশন সি এঙ্গেল-২” হিসেবে ঘোষণা করেছেন বাংলাদেশে নিযুক্ত যুক্তরাষ্ট্রের ভারপ্রাপ্ত রাষ্ট্রদূত গীতা পাসি। এই নাম দ্বারা ১৯৯১ সালের
ঝড়ের পর এবং সাম্প্রতিক বেদনাদায়ক ঘটনা থেকে কাটিয়ে উঠতে ও পুনর্নির্মাণে একত্রে কাজ করতে বাংলাদেশের সঙ্গে
যুক্তরাষ্ট্রের অব্যাহত অংশীদারীত্বকেই বোঝায়।

ভারপ্রাপ্ত রাষ্ট্রদূত এবং ব্রিগেডিয়ার জেনারেল রোনাল্ড এল. বেইলি গতকাল বাংলাদেশের খাদ্য ও দুর্যোগ ব্যবস্থাপনা উপদেষ্টা তপন
চৌধুরী এবং সেনাবাহিনী প্রধান জেনারেল মহিন উ. আহমেদের সঙ্গে চলমান ত্রাণ তৎপরতার অগ্রগতি নিয়ে আলোচনার জন্য বৈঠক
করেন। এসব আলোচনায় আগামী দিনের পরিকল্পনার কথাও উঠে আসে।

গতকাল এক সংবাদ ব্রিফিং-এ ভারপ্রাপ্ত রাষ্ট্রদূত গীতা পাসি এবং জেনারেল বেইলি জোর দিয়ে বলেন, ঘূর্ণিঝড় ত্রাণ তৎপরতায়
নিযুক্ত যুক্তরাষ্ট্রের সামরিক বাহিনীর সদস্যদের প্রস্তান দেশটির সম্পৃক্ততা শেষ হয়ে যাওয়াকে নির্দেশ করবে না, বরং তৎক্ষণিক ত্রাণ
তৎপরতা হতে দুর্যোগ কাটিয়ে ওঠা ও পুনর্নির্মাণ প্রচেষ্টায় বাংলাদেশকে সহায়তা করতে যুক্তরাষ্ট্রের দীর্ঘতর সহযোগিতায় এটি
একটি পরিবর্তন হিসেবে গণ্য হবে। এক্ষেত্রে যুক্তরাষ্ট্র আন্তর্জাতিক উন্নয়ন সংস্থা (ইউএসএআইডি) যুক্তরাষ্ট্রের প্রচেষ্টায় নেতৃত্ব
দেবে। দুর্গত এলাকায় ঘূর্ণিঝড়ের ক্ষয়ক্ষতি কাটিয়ে উঠতে সহায়তা করতে ইউএসএআইডি বর্তমানে মধ্য ও দীর্ঘ-মেয়াদি একটি
কর্মসূচি প্রণয়ন করছে। বাংলাদেশ সরকার কর্তৃক চিহ্নিত অগ্রাধিকার সমূহের ভিত্তিতেই এই পরিকল্পনা করা হবে।

সংবাদ ব্রিফিং-এ যুক্তরাষ্ট্রের কর্মকর্তারা এটিও নিশ্চিত করেন যে, ‘ইউএসএস কিয়ারসার্জ’-এর স্থলে ‘ইউএসএস টারাওয়া’ আসছে।
কিয়ারসার্জের কাছ থেকে টারাওয়ার দায়িত্ব বুঝে নেয়া সম্পন্ন হলে কিয়ারসার্জ চলে যাবে। কর্মকর্তারা জোর দিয়ে বলেন,
সরকারের অনুরোধে যুক্তরাষ্ট্র ত্রাণ প্রদান অব্যাহত রাখবে। আর যদিও জাহাজের নাম হয়তো পরিবর্তন হতে পারে, কিন্তু
বাংলাদেশকে সহায়তায় তাদের সামগ্রিক সক্ষমতা একই থাকবে।

আরো তথ্যের জন্য ঢাকাস্থ যুক্তরাষ্ট্র দৃতাবাসের ওয়েবসাইটের সাইক্লোন সিডের রিলিফ পেজ দেখুন, যার ঠিকানা
www.dhaka.usembassy.gov/cyclone sidr.html, অথবা ঢাকাস্থ যুক্তরাষ্ট্র দৃতাবাসের পাবলিক অ্যাফেয়ার্স অফিসে যোগাযোগ
করুন।

=====

জিআর/ ২০০৭

দ্রষ্টব্য: এই নিবন্ধের ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে
‘আমেরিকান সেন্টার’-এর প্রেস সেকশনে (টেলিফোন: ৮৮০৩৭১৫০-৪, ফ্যাক্স: ৯৮৮-৫৬৮৮; ই-মেইল: DhakaPA@state.gov এবং
ওয়েবসাইট: dhaka.usembassy.gov) যোগাযোগ করুন।